



**PLEC PARTICULAR DE CONDICIONS TECNICO-FACULTATIVES ENTATH
PROFITAMENT DE HUSTES
EN MONTE D'UTILITAT PUBLICA NUM. 296 "SÈUVA CASTERET"
QUE TANH A LES (ZÒNA PORTET - I)**

1 - Donades deth Monte d'Utilitat Publica

Denominacion: Sèuva Casteret

Nombre deth Catalòg d'Utilitat Publica: 296

Apertenença: Ajuntament de Les, deth tèrme municipau de Les

2 - Caracteristiques deth profitament

2.1 - Localizacion

Era zòna afectada peth profitament se nomena **Portet -I**, justament entre era pista de Portet, ar entorn dera Cabana des Peishioeres o des Enginiers.

Era zona deth profitament se tròbe afectat peth Hilat Natura 2000 e PEIN.

2.2 - Limits dera demarcacion

Era demarcacion deth profitament ei ombrejat tamb color vermelh enes mapes topografics e ortofotos a escala 1:5.000 e que figuren coma annèxe en present plec.

Aguest profitament se tròbe entre es 1.250 e es 1.435 mètres d'altitud e a uns 6 km de Les.

Aguesti limits vien definidi e identificadi per:

- Nòrd: Dejòs deth crotze tà Toran, ei definit pera part més arribenta, e paeth dessus per zones non arberades.
- Sud: linia imaginaria dividint pera mitad eth rodau dera zona dera pista.
- Èst: Pista forestau principau que va de Les ath Caut de Naut, tram dessus dera Cabana des Enginiers.
- Oèst: Pista forestau principau que va de Les ath Caut de Naut, tram dejòs deth crotze.

2.3 - Causa cèrta

Bracada de **1.726 arbes d'auet** (*Abies alba*) mercats tamb pentura tamb dus punts a 1,50 m deth solèr e tanben ena tocona de toti es pès a bracar.

Eth tractament silvicòla a realizar ei ua bracada de causida pè a pè damb caracter de milhora e damb era següenta **distribucion diametrica orientativa**, en tot èster $\emptyset$ eth diàmetre normau mesurat ara nautada de 1,3 m deth solèr:

- $10\text{ cm} \leq \emptyset \leq 16\text{ cm}$: 210 arbes



- 18 cm $\leq \varnothing \leq$ 26 cm: 447 arbes
- 28 cm $\leq \varnothing \leq$ 36 cm: 392 arbes
- 38 cm $\leq \varnothing \leq$ 46 cm: 313 arbes
- 48 cm $\leq \varnothing \leq$ 56 cm: 171 arbes
- 58 cm $\leq \varnothing \leq$ 66 cm: 114 arbes
- 68 cm $\leq \varnothing$: 79 arbes

2.4 - Quantia aproximada

2.365 mètres cubics de husta evaluats tamb cròspa e enquia 7 cm en punta prima e senhalats en ua superficia aproximada de **10 ha**.

Tot e qu'eth volum estimat ei de 2.365 m³, se considere qu'eth 90% deth volum de husta d'entre 10 e 82 cm de diamètre serà eth que resultarà tamb un destin comerciau ben valorat, en conseqüència eth volum reau de **husta comerciau objècte d'aguest profitament ei de 2.128 m³**.

Es categories diametricques queden distribuïdes dera següent manera:

- 10 cm $\leq \varnothing \leq$ 16 cm: 34 m³
- 18 cm $\leq \varnothing \leq$ 26 cm: 171 m³
- 28 cm $\leq \varnothing \leq$ 36 cm: 424 m³
- 38 cm $\leq \varnothing \leq$ 46 cm: 509 m³
- 48 cm $\leq \varnothing \leq$ 56 cm: 410 m³
- 58 cm $\leq \varnothing \leq$ 66 cm: 396 m³
- 68 cm $\leq \varnothing$: 420 m³

3 - Modalitat d'alienació

En pè, tamb cròspa e a risque e asard.

4 - Taxacion

4.1 - Prètz base

36.000,00 € (trenta sies mil euros).

4.2 - Prètz indèx:

45.000,00 € (quaranta cinc mil euros).

5 - Termini d'execucion

Un an a compdar der autrejament dera licéncia de gaudiment.

Er otorgacion d'aguesta licéncia, aurà d'èsser efectiva en termini de **4 mesi** des dera adjudicacion definitiva, e demorarà supeditada ath compliment de totes es condicions tecnicas e economiques requerides pera Administracion qu'ac licite. Er incompliment d'aguest punt supause era anullacion dera adjudicacion definitiva.

6 - Epòca de realizacion

Tot er an.



7 - Condicions Generaus

Se compliràn es disposades en Plec Generau de Condicions Tecnicas-Facultatives (Resolucion de 24/4/1975) e en Plec Especiau de Condicions Tecnicas-Facultatives (Resolucion de 6/5/1975).

8 - Condicions especificques

8.1 - Contròtle deth profitament

Se portarà a efècte peth personau tecnic deth Conselh Generau d'Aran.

Se lheuaràn **actes** de liurament o de quina auta natura sigue prevista ena legislacion vigenta quan atau siguens sollicitades peth beneficiari o ac decidisquen discrecionalment es parts implicades en eth contròtle deth profitament.

Abantes d'inciar es trabalhs, er adjudicatari aurà d'entregar obligatòriament as servicis tecnicos deth Conselh Generau d'Aran e èstervallat pes madeishi, un **Plan de trebalh** a on s'especificaràn es tempsi e manera de procedir en tot eth profitament, eth personau qu'ac executarà e maquinaria que i trebalharà.

8.2 - Execucion dera bracadà:

Sonque se bracaran aqueri **arbes senhalats damb merca de pentura en tronc ara nautada de 1,50 m e ena tocona deth madeish**. En cas que non existisse bèra ua des dues mèrques, er arbe **non poderà abater-se sense conformitat prealabla des tecnicos**. Serà responsabilitat deth rematant verificar, abans de bracar, qu'er arbe efectivament presente es mèrques.

Auràn de bracar-se toti es arbes mercats, maugrat que non interèsse era sua extraccion, e includidi aqueri non hustanèrs.

Era **caiguda des arbes** se dirigirà de manera que se produisqueth menor damatge possible ar arbrat restant, en tot preservar-se mès que mès, eth regenerat existent.

Era **nautada dera tocona** der arbe bracat aurà d'èster inferior a 10 cm mesurat ena zòna aigües ensus.

En cas que demoren **maumetuts**, trincadi o doblegats pera caiguda des auti arbes, es pès de mèn de 20 cm de diàmètre, s'auràn de trocejar coma d'ua rèsta de bracadà se tracte.

Des **arbes bessons** se talharàn sonque aqueri pès mercadi en tronc, e qu'era soca (tocon) presente tanti punts de pentura coma pes bessons mercadi. Enes casi que sonque sigue mercat bèth arbe besson cau respectar es restants que compartissen era madeisha basa, era seccion de bracadà des tocones aurà de presentar ua inclinacion superiora a 30 grads respècte era horizontau.

Es arbes bracats, auràn d'auer estat elaborats (despuntats e desbrancats), abans d'èster desemboscats.

En cas que se braque beth arbe de mès de 26 cm de diàmètre normau e considerat pera administracion forestau coma damatge inevitable, aurà d'èster senhalizat per operari damb ua



crotz, tant ena tocona coma en tronc, entà atau poder comptabilizà'c posterioraments ara sua bracada. Aguesti poderàn èster retiradi per adjudicatari ath prètz unitari dera adjudicacion.

S'and'extreir obligatòriament deth monte toti es productes qu'en trozas (socs) de mínim, 2 m de longitud, e qu'agen un diàmetre en punta prima parièra o superior a 12 cm.

Es trozas (socs) qu'era sua dimension en punta prima artènhe un diàmetre minim de 20 cm poderàn abandonar-se en solèr sense èster profitades, mès desbrancades e tamb longituds inferiores a 5 m.

S'auràn de seguir es **condicionants mercadi enes informes** realizadi pes **tecnicos der airau de Medi Naturau** deth Conselh Generau d'Aran en ambit des figures de proteccion afectades e dera fauna, hàbitats, eca.

8.3 - Rèstes de bracada

Es rèstes vegetaus generats coma conseqüència deth profitament (branques, cabussalhs, e socs refusades damb mens de 20 cm de diàmetre ena punta) auràn de **talhucar-se damb ua longitud parièra o inferiora a 1,50 m**, en aguest cas, es rèstes se poderàn deishar eth quinsevolhe lòc.

Ena franja de 10 mètres peth dessus dera pista principau, se li calerà **talhucar-se damb ua longitud parièra o inferiora a 0,5 m o eliminar-se mecànicament**.

Er talhucat calerà hèr-se de forma simultània ara elaboracion dera husta e er incompliment d'aguesta clausula serà motiu dera **interrupcion immediata** deth profitament.

8.4 - Vies de treta

Enes mapes adjunhudi s'identifiquen es vies de desembòsc (tiradères) existents en color auriò.

Eth desembòsc des productes se realitzarà se pòt èster, a trauès de vies de desembòsc o tiradères existents, en tot esvitar es damatges sus er arbrat restant. Se calesse **bastir-ne d'outes de naues**, le calerà **sollicitar ar adjudicatari**, era autorizacion qu'exprimis eth Conselh Generau d'Aran e en cas d'obtièr-la, eth **còst deth condicionament** serà a compde der adjudicatari, atau com era adequacion des existents.

Es **arbes hustèrs** que calesse bracar coma conseqüència deth **bastiment des naues vies de desembòsc**, e que non se trobèssen prèviaments soslinhades, auràn de, **obligatòriament** **profitar-se** e es sòns productes comerciaus, un còp cubicats, **se pagaràn ath prètz unitari en tot** **resultar dera adjudicacion**.

Era **via forestau principau** utilizada, a excepcion des vies de desembòsc o tiradères, auràn de trobar-se **en tot moment perfectaments circulable**.

En finalizar eth profitament, era **via forestau principau** utilizada, s'aurà de **repassar** e deishar enes condicions en que se trobaue abans de començar eth profitament. Ath delà, es **vies de desembòsc** utilissades, auràn de repassar-se, en tot disposar-se **sangrères obliqües** ath sòn èish e a ua **distància mejana de 60 m** ua d'auta e enes lòcs a on er Agent Forestau atau ac indique. Ath delà, **enes punts d'accès** des vies de desembòsc e/o tiradères, un còp finalizat es trabalhs, s'auràn de barrar **entà evitar eth pas de veïculs**.



8.5 - Profitaments extraordinaris:

Se pendent eth termini d'execucion deth profitament se produsissen damatges com conseqüència de ventades, nhèu, plagues, incendis o ua auta causa imprevista, es productes poderàn èster liuradi ar adjudicatari ath prètz unitari dera licitacion o ben a un aute inferior a rason deth sòn grad de deteriorament e cada viatge qu'eth sòn volum non excedisque deth 25% deth profitament adjudicat. En cas qu'eth volum siguesse superior, se procedirà a ua naua adjudicacion.

Dera madeisha manera se seguirà entàs productes que procedissen de bracades fraudulentas realizadas per tresaus e entad aqueri derivadi de tractaments sivicòles o deth bastiment de vies de desembòsc.

8.6 - Consideracions economiques:

Es despenses que se genèren com conseqüència des operacions de recompde en blanc, atau com d'autes mesuraments sollicitadi peth adjudicatari, auràn d'èster pagadi peth pròpri rematant.

Eth prètz d'adjudicacion poderà èster revisat s'eth profitament siguesse objècte de prorròga.

8.7 - Autes consideracions

Er adjudicatari a de dar avís **der inici e fin des trabalhs 5 dies abans** dera data a iniciar es trabalhs.

Ar adjudicatari li cau complir es condicions mercades pera legislacion en vigor, en çò que tanh ara **Seguretat e Salut** en trabalh.

Er adjudicatari, abans d'iniciar era òbra o trabalh forestau, aurà de presentar, per escrite e deuant era administracion forestau, era **relacion des manòbres e encargat** d'aguest profitament, ath delà dera **maquinària** que trabalharà ena zòna e un plan de trabalh d'aguest profitament.

Era **senhalizacion corrècta des trabalhs** d'aguest profitament serà obligatòria e serà a cargue de eth adjudicatari.

Gemma Arjo Rella - DNI 41096629E (TCAT)

Firmado digitalmente por Gemma Arjo Rella - DNI 41096629E (TCAT)
Fecha: 2023.06.20 14:27:18 +02'00'

